

22 FEB 1998

DR MAHATHIR MENGHADIRI SYARAHAN "MASA DEPAN INTERNET"

KUALA LUMPUR, 22 Feb (Bernama) -- Perdana Menteri Datuk Seri Dr Mahathir Mohamad malam ini menghadiri syarahan makan malam yang dianjurkan oleh Persatuan Alumuni Institut Teknologi Massachusetts (MIT) di sini.

Syarahan bertemakan, "Masa Depan Internet" disampaikan oleh Presiden Persatuan Alumni MIT Amerika Syarikat, Dr Robert Metcalfe. Syarahan itu adalah mengenai masa depan Internet di dunia.

Metcalfe merupakan personaliti terkemuka teknologi maklumat, pencipta Ethernet, Naib Presiden bagi Teknologi Kumpulan Data Antarabangsa (IDG) dan penerima pingat penghormatan Institut Jurutera Elektrik dan Elektronik (IEEE) 1996. Beliau juga merupakan penulis ruang bagi majalah Info World.

Turut hadir ialah Yang Dipertua Pulau Pinang Tun Hamdan Sheikh Tahir, isteri Perdana Menteri Datin Seri Dr Siti Hasmah Mohamad Ali dan Presiden Alumuni MIT Tan Sri Dr Othman Yeop Abdullah yang juga Pengerusi Eksekutif Perbadanan Pembangunan Multimedia (MDC). -- BERNAMA

HS PR